

sein register vor dreyen jaren mehir addir weniger, uß dem sy ein nuwe register hetten schriben laßen, und funden nicht in dem alden noch nuwen register des Kindes vater namen, mit forderm ynhalde ꝛ.

H. spr. w. n. b. v. r. Konnen Hans Schuler und Durrethan, das der kinder vater sulchin 5 ꝛ 32 teil mit kouffe und redelicher ankunfft an sich bracht, yns schichtbuch geschriben gehabt, den verleget, verbauwet und so an sine kinder geerbet habe, als sy sich berumen und wy recht ist, beweissen, so thun yn dy schichtmeister und gewerken von der kinder wegen billich rechte antwert, wo sulcher ꝛ 32 teil hinkomen sey.

32. (Ym die teil zu schriben an den schichtmeister geweist.)

10 Nochdem Anthonius Moller claget zu Mattes Linken, das er yn gebeten habe umbe ꝛ 32 teil *fol. 23^b(106)* uff dem Stroßberge und umbe ꝛ 32 teil in den nehsten maßen darnach, des er ym zu gewillen geweist sey, ym dy gegeben und yn der gewert habe mit sulchem undirschide, das er ym widder 1 kucks ym Dorrenberge in der funtgruben geben solt, den er ym so zugesaget hette und an ym nicht erlangen mochte ꝛ. Dorkegen antwert Mattes Linke undir andern worten bekennde, das er ym sulchin 15 kucks zugesaget, yn dormith ym den zu schriben laßen an den schichtmeister geweist, sich des geewssert, uß sinen gewehren lenger dan vor eynem jare verlaßen und den forder nicht verczubußt ꝛ.

H. spr. w. n. b. v. r. Had Mattes Linke, als er in siner antwert seczt, Anthonius mit sulchim kucks an den schichtmeister, ym den zu schriben laßen, geweist, sich des, wy in siner antwert berurt, geewßert und mag das, als recht ist, beweissen, ist dann Anthonius dorbey selbs versewmlich 20 geweist und had den verlaßt, den schaden duldet er ouch selbs billich.

33. (Uff syne eygene bewust geschuldiget.)

Nochdem Nickel Kuch claget zu Michel Hertel, das er ym drey sechzenteil, nemlichen *fol. 24(106^b)* eynen sechzenteil uff der Thanne, eynen uff der Hewerzceche und eynen uff der Monchezceche, uff ir beider vorwillunge und zusäße uff sein gelt biß uff unser beider zusampnekomen und rechenschafft 25 zu vorsorgen und, so oft es nod wurde, zu vorlegen und zu verbawen gereth und gelobet habe, er habe yn ouch umbe ny keyne zubuße doruff erynnern laßen und stellet das allis uff sine bewust; sulche dry sechzenteil ym widder obirzuantwerten konne er an ym nicht erlangen, mit forderm ynhalde ꝛ. Dorkegen antwert Michel Hertel, er gestehe Nickel Kuchen keyns handels noch vertrachts, den er mith ym gemacht solt haben, ym zwene 32 teil in der Hauwerzceche zu verbawen, das er ym 30 einen 32 teil uff dem Reichenstein dorkegen verbawen solt, und wy sulche sine antwert mit forderm langen inhalde meldet ꝛ.

H. spr. w. n. b. v. r. Nochdem Nickel Kuch Michel Hertel des vertrages und der vorwillunge ym sulche teil zu vorlegen uff seine eigenn bewust geschuldiget had, dorumbe thud er ym billich rechte antwert mit jo addir neyn, und so er sulchs vertragis, ap er thar, wy recht ist, entschuldiget had, so ist er Kuchen der teil halben, nochdem er mit anslan des bergmeisters brieffes 35 und offinberlicher vorkundigunge, ap er das so gescheen, wy recht ist, volkomen kan, sich des gnuglichen bewart had, antwert zu thun nicht pflichtig.

34. (Lewterunge die gewehr zu getzewenn.)

Nochdem ir uns obir den spruch zewischin Hanßen Otterwisch als cleger und Hanßen *fol. 24(106^b)* 40 Merten als antwerter^a) eyne lewterunge zu thun, wy, mit wehme und wy hoch Hans Otterwisch volkomen sal, das sein verkouffer sulche teil biß zu der zzeit des vorkouffens in rechten gewehren und

34. *Vergl. Urteil 28.*